



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Aliquot Propositiones Novissimorum Casuistarum in  
materia Pœnitentiæ**

**Zeghers, C.**

**Coloniæ Agrippinæ, 1679**

Præfatio.

**urn:nbn:de:hbz:466:1-42483**

## P R Æ F A T I O.

Decem præterpropter anni sunt , ex quibus  
in gymnasio sanctissimæ Trinitatis Lovanii  
famose in Religiosos , iisque adhærentes sacerdotes  
quoad receptam in Ecclesia pœnitentia  
præsumt , habitæ sunt Scenæ , & Interludia , præ-  
sertim in solemnis actione , quæ in encœniis haberi  
solet , præsentibus omnis generis externis , etiam  
hereticis , militibus & aliis . Optabant comici  
ut de istorum Religiosorum laxitatibus informa-  
rentur omnes , execrationique eos haberent Magi-  
stratus , Confessarii , Pastores , Concionatores ,  
Theologi , & Jurisperiti , aut studiosi in ipsis  
etiam juridicis scholis , personam agente quo-  
dam ex junioribus doctoribus : penè similes Trage-  
dia exhibitæ sunt annis pluribus . Sperabatur  
tandem istorum finis , postquam auditum est  
Doctores Romam deputatos parare se itineri , non  
tactâ causâ , propter quam se Romam petere suæ  
Majestati representaverant : hoc est ut illarum  
Propositionum quæ verè Belgium turbabant , deci-  
sionem postularent . De quibus tamen nihil actum  
audimus ; nihil definitum , nisi de 65. propositio-  
nibus ! de quibus vix in Belgio auditum , saltem  
nullæ fuerunt contestationes vel turbæ sperabatur ,  
inquam , quod tandem quiescerent ab improperiis .  
Sed ecce ipsa die 4. currentis mensis Septembris ,  
habita est iterum actio præsente maximo numero  
studiosorum , cujuscumque classis & scientiæ , Civi-  
um ,

## PRÆFATIO.

um, extraneorum, militum, virorum etiam qualificatorum, præsente tunc Domino Gummari Huygens, Accademia pro tempore Rectore. In qua post varia à comicis acta & dicta, perventus est ad scenam 5. actus 5. & procedendo conformiter ad argumentum dicta scena quod sic habet qui nimio isto Ambrosii rigore offensi benigni benignorem virum adeunt: petitum primò, num Imperatori, deinde num & sibi Ambrosius Absolutionem & Communionem sic negare possit? qui respondet invitum non posse: nam jus habet ad absolutionem pœnitens. Est, ait, communis Doctorum Doctrina.

*Introductus est in theatrum quidam representans Doctorem laxum, deinde Aulici Theodosii quasi offensi nimio Ambrosti rigore. Aulicis querentibus an Theodosius merito debuerit tam rudenter facere pœnitentiam. Respondit Doctor laxus non.*

Deinde Doctor hic explicuit aulicis variis praxes agendi cum pœnitentibus, inter ceteros dicebat ironice si pœnitens renuit subiaceat pœnitentiā cogi non potest, ac statim Communionis jus habet: nihil praxi ista constitutius. Habere se omnes recentiores Theologos, qui tradant ita fieri debere. Rogatus ab Aulicis qui essent illi? tam infamiter illos depinxit, ut graviora non protulerint priori saeculo Calvinus & Lutherus in Catholicos Religiosos.

Vsus  
suis,  
impie  
tinen  
Ra  
pœni  
subiv  
viror  
ab hi  
ipsos  
nus  
gaud  
fessar  
inver  
St  
cison  
versu  
astata  
modu  
dum  
judic  
nent  
spect  
nasii  
jurer  
deside  
infor  
Coll  
lis &

## PRÆFATIO.

Vsus enim nominibus græcis, vocavit eos sui ipsius, non boni amantes, novos, superbos, impios, immisericordes, fastuosos, incontinentes, &c.

Rogatus quoque idem Doct̄or de Canonibus penitentialibus, respondit esse abrogatos: subivisse in locum Canonum novam istorum virorum turbam, mira valente benignitate, ab his citius scelera remitti, quam patrari: ipsos viam ad cælum invenisse quæ hactenus latuit Christianos. Quibus addidit alius, gaudeo me tam benignum invenisse confessarium: dolendum Aulam hunc citius non invenisse.

Statueram tacere penitus, & exspectare decisionem illorum articulorum, quos audio adversus istos Doct̄ores exhibitos sanctæ Sedi hac astate, & diu ante ipsorum discessum, ne postmodum dicerent se impeditos esse absentes. Sed dum istius actus novissimi tragediam intellexi, judicavi (dum illi, qui causam agunt, se continent, & sanctæ Sedis decisionem humiliter exspectant) peccatum me graviter, si istius Gymnasii (in quo ut audio etiam Arnaldi doctrina juvenibus legenda proponitur) & fautorum ejus desiderio non satisfacerem: & supra nominatos informarem.

Collegi itaque celerrimè ex trium virorum libellis & scriptis, nempè Patris à Burgundia in praxi solida,

P R Æ F A T I O.

*solida*, Francisci Caroli Reymakers in Respon-  
sione Brevi adversus Dominum Gumma-  
rū, Dictatis publicis D. Nicolai Du bois partim  
in Hallis, partim in Collegio regio traditis,  
& mihi ab uno ex ejus studiosis communicatis;  
propositiones diversas. Pauca de meo addidi.  
An ex his, quas exhibeo aliquæ repræsentatæ sint  
sua Sanctitati, & quæ me latet hactenus. Mirare  
tamen si qui causam istam præsentibus deputatis  
Lovaniensibus agere cuperunt, nihil horum, qui  
verissimè totum Belgium turbant, & concernunt  
omnes cujuscumque status & conditionis, at-  
tigissent. Interim illi, quos dictum gymnasium  
& Patroni desiderant informari, hæc si libuerit,  
expendere poterunt.

ALL  
Imprimi poterit Fr. N. S. Th.  
Lib. Cen.